

看山閣集

今體詩 卷十三之十六



看山閣集

今體詩卷十三目錄

寓邸憶友賦以寄懷二首

泊舟虎邱

舟中偶筆二首


坐小吳軒二首

曉遊

雨過林軒喜成小詩

虎邱即事

偕友坐千人石



假寓僧舍五首

荷軒偶興

寓齋夏日漫賦

入虎邱寺方丈二首

玉蘭堂

悟石軒

初伏偶興三首

與虎邱僧慧明

題可中亭

姑蘇雜興四首

畱宿精舍

客中訪友畱飲

題友人菊圃

恭頌蘇州撫憲張孝先先生德政

奉和徐大司寇遂園禊飲詩二首

用蘭亭字

饑途有識飯余

泊崑山

青龍江口占

宿江寺

崑山遇雪

題惠山二泉亭二首

江口夜泊二首

臨江樓晚眺

夜泊楊子江

過金山三首

題中冷泉二首

曉登山寺二首

途中偶成

路況二首

旅中偶作并憶友人

山行

登泰山二首

瞻聖廟

瞻傾蓋亭

曉行

入山

出山

絕句

途中遇友

村莊

宿張秋

泰安道中二首

夜泊江口有感二首

看山閣集今體詩卷十三目錄終

看山閣集

峰泖黃圖秘容之著

今體詩卷十三

寓邸憶友賦以寄懷

寓齋岑寂絕無聞枯坐松陰日又分偶憶鄉關愁
見月為思親友感停雲詩將成處腸偏結酒未傾
時心已醺自愧庸材非國士躊躇何以奉

明君

又

一杯酒盡袂還分旋聽驪歌起夕曛明月幽懷何

日展碧山清嘯幾時聞芝蘭滿座應思我風雨聯
床但憶君留別偶然吟數字不禁握管自殷勤

泊舟虎邱

輕風薄霧夕陽天普濟橋頭繫客船一徑松陰寒
月色數家院宇冷茶烟名山有意邀人賞頑石無
心早悟禪何日方能酬素志重攀林木話因緣

舟中偶筆

一葉輕舟順水流滿裝詩畫自優游元章却喜顛
如我嘯傲湖山春復秋

又

水濶湖平好放舟當前景色自悠悠扣舷一曲歌
方歇明月依然入酒甌

坐小吳軒

偶來軒上坐妙境陡相遭萬戶簫聲咽一輪月影
高人文堪曰美風物果然豪却慶余生晚

恩波喜共叨

又

一回縱我覽猶若飲醇醪妙繪詩中得真情酒裏
淘優游何樂境率意卻風騷坐久無塵染不禁興
自豪

曉遊

曉來嵐岫帶晴容，獻出奇窮有萬重。
溪上攜棋敲素月，林間拈韻詠清風。
幾時選勝隨黃石，何日乘遊共赤松。
疾染烟霞安得愈，一回瞻眺興偏濃。

雨過林軒喜成小詩

一夕東風春漸濃，道人偶爾息遊踪。
浮雲半欲藏名刹，疎雨旋思引曉鐘。
猶對琴書相檢點，不妨簞笠自從容。
問君此樂何如耳，恍入瀟湘竹幾重。

虎邱即事

地吐林巒秀，天開錦繡文。
槎枒惟老樹，舒卷任閒雲。
花柳迎朝旭，漁樵話夕曛。
徘徊不得去，對酒漸殷勤。

偕友坐千人石

當前風景頗堪欣，未飲醇醪心已醺。
詩句新摹白太傅，畫圖舊仿李將軍。
平鋪一石頻來燕，高掛三泉漸入雲。
名勝多應傳此地，登臨攀躋偶成文。

假寓僧舍

徑曲花陰寂，廊空竹影深。
高臺坐夜月，小榻弄瑶琴。
急溜清吾耳，流雲淡客心。
名山應有約，聊爲一長吟。

又

精舍雲根託閒房石笋扶竹籬栽藥草粉壁掛葫
蘆清曠幽人畫蕭疎高士圖有詩題不盡旋作亂
鴉塗

又

竹石禪房靜琴書客館幽話閒開草榻選勝踏芳
洲巖溜當窗落潭光繞檻流徘徊能去俗頗足我
行休

又

對客花皆笑迎人風自和曲闌鎖水月短壁絆藤

蘿竹籟溪前起松濤嶺上過素聞仙島樂此地竟
如何

又

素慕烟霞樂難忘邱壑情人相推道士我獨笑先
生花債連年積酒逋累日成酒逋與花債拖到幾
時清

荷軒偶興

日長遊戲綠池濱君子花迎君子人時挹清風忘
酷暑坐來能不染纖塵

寓齋夏日漫賦

館舍蕭然夏日長
漫搖葵扇覆荷裳
坐花笑飲三泉水
抱月高眠一石床
偶欲話閒來竹院
爲思養靜入禪房
未知烟靄深深處
容得無羈阮籍狂

入虎邱寺方丈

一林風壑寺深藏
塔影高懸借日光
野鳥不諠偏次第
流雲欲出漸成章
冷看落月侵禪座
笑指飛花墮講堂
可有名僧如佛印
敢同蘇子話緣長

又

飛驚樓閣接天閭
古寺陰深石徑長
曉籟沉沉歸水月
晨鐘遠遠動滄桑
偶隨野鶴緣人澹
卻笑浮

雲笑我忙兩荷

翠華臨幸處至今草木盡含芳

玉蘭堂

何事閒堂春獨賒
小庭植有宋時花

相傳宋時栽植

流雲

欲襲空無色野鳥思鳴靜
未譁貞勁立身同義士
崢嶸不老似仙家
素心豈逐紛華易
百鍊名成敢自誇

悟石軒

月色潭光當檻收
挹來清韻自悠悠
話閒且喜逢雲衲
選勝何期到虎邱
無盡英雄畱試劍
有餘法

力尚點頭我懷未遂終難覺欲向生公借一籌

初伏偶興

炎天赤日屆金藏詩倦吟時酒懶嘗正是客齋岑
寂甚只堪一枕卧羲皇

又

松陰一帶接迴廊葵扇輕搖坐石床俯聽泉聲仰
看月頓忘酷暑惠清涼

又

世事從來淡乃長榻安僧舍亦精良可憐未去余
生俗不覺飛花隨講堂

與虎丘僧慧明

本是錢塘客來遊海湧峰禪明一片月緣覺數聲
鐘妙境荒中得真情淡裏逢蒲團安頓處永日自
從容

題可中亭

亭在烟霞裏人遊圖畫間既無塵點染自有境相
關觀舞翻雲巧聞經化石頑情多因慕古不惜幾
來還

姑蘇雜興

自古繁華地姑蘇名最標四時花不謝百里月偏

看山隱集
六
饒白馬王孫貴紅襟少婦嬌漫憑絲與竹儘把太平描

又

欲將花月詠先把綺羅描蝶點躡躑袖鶯吹滴溜
簫舞傳碧米巧歌學雪兒嬌歌舞能畱月溶溶隨
暮朝

又

高樓殘月淡靜院曉鶯嬌拂拭熒熒鏡欠伸欸欸
腰花鈿隨意貼螺黛細爲描竊喜粧初徹紅襟與
紫綃

又

幾許粧初罷濃勻與淡描麝蘭薰曉日脂粉塞新
潮紅綻櫻桃口綠翻楊柳腰春風吹到處花柳愈
生嬌

畱別精舍

塵氛傾十斛明月滿三山有意聞猿悟無心感石
頑攜琴鳴水上下榻宿雲間他日重爲約欣將林
木攀

客中訪友畱飲

斜傍青山建草堂安排琴酒興偏長滌洄流水含

琴韻澹蕩春風拂酒香投轄當知賢主德飛觴不
厭遠朋狂相逢未許輕相別一醉陶然忘客鄉

題友人菊圃

無愧爲花隱分明是菊癡不隨流俗態自具傲霜
姿清瘦何如此幽閒莫若之休將皮肉相五美並
相持

恭頌蘇州撫憲張孝先先生德政

風度飄然品且端曲江春雨杏花寒賢名自是同
姚宋威望何曾讓范韓深見爲民半鬢雪惟懷報
國寸心丹須知人去功猶在青史書來正好看

奉和徐大司寇遂園禊飲詩 用蘭亭字

素慕香山早掛冠新開別墅傍層巒逍遙詩酒心
神濶瀟灑林泉風月寬桃李一溪觀似錦賓朋滿
座臭如蘭永和勝事傳今日此會須知自古難

又

脫卻朝衫釣水汀休休且喜有閒亭堂開綠野吟
春草簾捲紅霞入畫屏十二名賢成大社三千鶴
算盡長齡天曹曾奏何年月應見園林聚德星

饑途有識飯余

沽酒烹雞感素誠停鞭鞚馬不須行始知一飯情

何重陡覺千金報亦輕

泊崑山

春色來天外山光落鏡前
縣花紅綻錦隄柳綠生
烟喜雨因成句觀風偶泊船
明朝相別去此夕且
流連

青龍江口占

夜泊青溪口挑燈漫自論
文章應數陸英武自推
孫冷冷風含浪悠悠月吐村
憑闌一悵望不覺斷
人魂

宿江寺

蕭條古寺暗松林木榻芸窗抱膝吟
無酒最難遣
素興有琴何必問知音
看雲每落思親淚對日常
縣報

國心一望蒼蒼渾莫際
長江萬里繫愁深

崑山遇雪

偶因雨作賦卻又雪催詩
一片崑山石均成白玉
姿

題惠山二泉寺

山爲名時秀泉因品後清白雲藏舞態翠竹送歌
聲醉臥無他約登臨有素盟
不辭數攜屐入畫自

遊行

又

品題人去久窈窕水長清自藉山中韻偏飛天下
聲高堪聯素誼澹可結幽盟既入烟霞裏徘徊未
忍行

江口夜泊

夜宿橫江口滔滔水拍塘蛩吟應有韻漁笛是無
腔殺草風如剪迎人月似霜浪花千尺雪一望並
瀟湘

又

匹練浮天白垂楊拂岬黃山眉疑是畫雁字欲成
行月落江樓小魚遊秋水長憑舟幾回顧大地一
詩囊

臨江樓晚眺

景色當春暮桃花已半殘晚山雲片片新柳露團
團落日滄江寂歸風野水寒烟波徒滿目何處是
長安

夜泊揚子江

桃紅柳綠寫春明萬里無雲一水平白草淒涼郭
璞墓青山掩映閩州城風搖帆影沙隄曲月落江

樓星斗橫夜泊三更人不寐鐘聲幾度客愁生

過金山

松高依九漢峰勁柱中流不作蓬萊想應從島嶼
求樓臺入鏡底風月在江頭我愧凡庸輩何期得
勝遊

又

柳岬風微起秋江水淡流漁樵相對話鷗鷺自優
游但放雲來往悉由月去留那知人世上別是有
瀛洲

又

既無塵到几自有翠浮舟山色濃描黛波光淡畫
秋幽情晴裏得佳境雨中求慕隱身難遂多應志
未酬

題中冷泉

揚子江中水流傳第一泉白雲全唾韻明月半分
妍味獨甘堪愛色猶淡可憐吸之真自快骨節欲
皆仙

又

何必投春茗莫教赴火烟只宜識者賞豈受俗人
憐志古流琴韻風高享壽年品題當首冠應不愧

前賢

曉登山寺

清朝躡屐上層峰
林茂泉甘境幾重
玉殿深沈紅日射
瑤堦盤鬱白雲封
蓬萊有分無心到
島嶼多情忽地逢
披覽頓教傾我積
收來丘壑已盈胸

又

山窗窈窕絕塵踪
觸處烟霞披幾重
瀑布白分三澗水
黛螺青點一高峰
最憐八目情何淡
幸不關心春自濃
柯爛依然歸未得
有誰相蹈我踈慵

途中偶成

冷月酸風透滿襟
客途轉展繫愁深
三年不倦承親志
一日難忘報

主心懷俠未舒慙
有劍論交少合恨
無金拂琴自探其

中趣何用旁人知
我音

路況

不信江湖行路難
沙隄幾曲水潺潺
丈夫所向非無意
爲報

君恩未肯閒

又

萋萋柳色遍長隄
千丈紅塵染馬蹄
莫笑鷓鴣無

遠志上林許借一枝棲

旅中偶作并憶友人

不堪愁聽夜鳴驢
明滅孤燈一室虛
楊柳絲絲情莫限
桃花點點雨初餘
漫看北去人偏壯
何事南來雁獨踈
回想故園臨夜月
歡呼斗酒食鱸魚

山行

山城點點桃花雨
夾岼悠悠楊柳風
最愛眼前光景好
人行摩詰畫圖中

登泰山

山川無處不流連
况值三齊名勝邊
直上一觀天

地小白雲散盡月低旋

又

高山流水幽閒裏
漢栢秦松圖畫前
四望如浮塵不到
一聲長嘯欲驚天

瞻聖廟

道德高於數仞牆
何期得上聖人堂
泰山北斗常如此
萬古平分日月光

瞻傾蓋亭

賢聖相逢意氣合
片時傾蓋話偏長
至今人坐春風裏
滿齒如聞蘭蕙香

看山閣集
三
曉行

餐風宿水幾多般茅店雞聲途路寒滿目山林歸
出沒半天星斗正闌干朝烟白映晨光動曉靄紅
凝夜色殘一片葵心遙向日五雲縹緲見長安

入山

秋寺鐘聲遠松林日影遲不愁前路絕只恐白雲
迷

出山

願作山中客愁爲山外人桃花與流水何處問迷
津

絕句

亂雲陣陣壓山低春雨條條洗馬蹄爲愛程途風
景好盤桓無處不畱題

途中遇友

與君話別出吳關千里懷思情一般此日相逢意
外事山川不改舊時顏

村莊

綠楊青草水潺湲馬跡車塵滿目間莫道村莊多
寂寞時聞

天語到柴關

宿張秋

我愛張秋古盤桓不忍行茅簷寒月色石砌冷蟲
聲萬柳羅如陣四山圍作城魯峰時在望分得秀
天成

泰安道中

空清殘月小荏苒曉風輕古畫無心得新詩隨意
成山猶迎笑臉鳥自弄歌聲流覽難窮處幾多途
路情

又

太古風猶在前賢跡未踈松聲鳴復咽雲影卷還

舒落木山聞嘯雁回天賜書長安看漸遠落日自
躊躇

夜泊江口有感

江水流何已山雲暮復多人情淡處得歲月冷然
過遣興還須酒抒懷只有歌幸逢

明聖主浩蕩盡恩波

又

烟雲描就畫蘆荻點成秋不老山常在無休水自
流受

恩何以報抱願莫能休豈敢因時墮安閒作浪遊

看山閣集今體詩卷十三終

看山閣集

今體詩卷十四目錄

恭頌

萬壽

次陳大司空賞菊原韻

與徐克諧話別

秋夜與魯茂才話雨

贈魯茂才

贈尚屯曹蘊璞

豐臺王相國別業觀芍藥三首

偶成三首

壬寅夏日余客燕京適管乘六有關中之
行以墨梅便面畱別賦成二律

與茂才殷岳士

熊州牧檢任粵中

與施新堂

題畫壽劉州牧

寄石公昆玉

寓齋望月三首

贈王內翰

寄程培風

寄茂才周旣霑二首

贈沈太史恪庭并致祝延之意

贈張內翰

廖大令行素復任青邑

與陳雲亭昆玉

許御史榮遷

贈張御史二首

得識沈又約茂才

贈王狀元二首

與武春山話舊

與周士貴

張選君秉均擢授臺諫

徐刺史武山內擢刑曹

月夜懷人

贈楊翰林清峰

王榮和考授州佐

王生客考授州佐

沈行玉考授州佐

與徐令

與廖郡丞二首

史刑曹出守芒布

贈魯農部

送周念莪之任華邑

送俞司馬之任雲間

魯別駕就任邑宰

送友還山

殷岳士赴閩試用

與家雲門

劉別駕龍煤之任雲間

立夏

寄壽內子

題畫芍藥奉錢少宗伯蔗山

題端陽圖

佐守杭州三首

病起

劉國學新婚

與楊隱雷

接陳明經舜被

與嚴州蔣司馬易齋

題畫壽友人

題墨竹

看山閣集今體詩卷十四目錄終

看山閣集

峰泖黃圖秘容之著

今體詩卷十四

恭頌

萬壽

春暖風和花正香
恭逢

聖節日初長
氤氳紫氣迴

金殿繚繞紅雲捧

玉皇曙色迥隨

天仗出嵩呼
遙共珮聲揚
小臣何以申三祝
聊奏南

山壽一章

次陳大司空賞菊原韻

高潔天生第一花不隨羣卉鬪繁華
神仙此即長生藥畱得人間富貴家

與徐克諧話別

久託蘭盟誼獨深持竿戴笠本同林
唾壺欲缺英雄氣寶劍常鳴俠士心
謝世餘情惟寄酒論交且喜不因金
暫時分袂遙南北明月清風何處尋

秋夜與魯茂才話雨

久別錢塘路滔滔水一涯西風吹雁斷
片月落江

斜吳越相連地山川到處家何期秋雨
夜重得話京華

贈魯茂才

張說情偏劇仲連意獨遐羽觴飛夜月
綵筆動朝霞第一雄才數無雙國士誇
太平開宴處前席待君家

贈尚屯曹蘊璞

秀出巖巖泰岱中激昂氣節迥難同
高情已屬雲天濶雅量能令江海空
自是居官無俗筆時于入座挹清風
不才竊喜叨蘭誼拜手興歌慶士雄

豐臺王相國別業觀芍藥

風送嬌鶯度短牆萬花會裏鬪芬芳
琉璃枝葉珊瑚朶畱得餘春在草堂

又

名花應不數維揚仙種移來就日光
曉露乍凝香欲吐端妍合伴相公堂

又

偏多蝶粉與蜂黃爭向花間幾度狂
翠袖朱顏嬌莫限春風十里醉紅粧

偶成

自古興悲行路難江湖默默水雲寒
卞和有意方投趙季子無心更說韓
冷月侵人憐世薄酸風吹我泣衣單
天涯惟有漁真樂悔殺從前早卻竿

又

送得春歸冬又殘天涯歷盡幾炎寒
旣無好友能衣范更有何人肯飯韓
往事盡從杯底徹新愁宜入曲中彈
雖然我道窮如此不改生平善自寬

又

有蘊從來抒所難自甘索米守長安
光明此志惟函白空洞於心頗抱丹
素念乘雲常奮袂偶思報

主即忘餐微才莫謂終無補松柏偏能傲歲寒

壬寅夏日余客燕京適管乘六有關中之

行以墨梅便面畱別賦成二律

別余留便面灑墨太空濛畫入清涼裏梅開繁暑
中數搖兜夜月一掬動仁風何以將瓊報陽關曲
未工

又

此別幾千里離愁兩地同清風思冀北明月冷關
中淡淡花常茂悠悠春未窮玩之不釋手想見友
情隆

與茂才殷岳士

不信天涯有弟兄欣然一語寸心傾羨君磊落推
豪素愧我疎慵守拙誠獨抱懷思秋露重相投意
氣泰山輕始知巖谷多賢士期與全孺奉

聖明

熊州牧檢任粵中

爲牧須英俊用人在得人光明依日月高潔比松
筠作吏能無俗論才若有神欣瞻膺一命車過自
生春

與新施堂

少陵詩裏聖太白酒中仙每吐驚人句時開醉月
筵芝蘭何淡雅山水獨流連佇看魚龍化飛聲到
九天

題畫壽劉州牧

日向烟霞尋往還只因司馬獨官閒壽君此日無
他物寫得青青幾筆山

寄石公昆玉

宋家兄弟世稱難先後同登清要官草詔花旁常
得意承恩閣下每忘餐集傳華萼才如錦人淡春
雲譽似蘭禮樂文章能繼美大堪用是萬年觀

寓齋望月

見月茅簷畔清光照眼明徘徊松下久陡覺夜涼
生

又

圓缺應無定陰晴豈易評誰懸天上鏡萬古幻人
情

又

眺遠心偏爽眠遲夜轉清蟾光相映處處自同
情

贈王內翰

才實棟梁器名傳王謝家青緗遺世業紫閣羨風華雅量寬千頃

榮恩判五花禁城春色麗擲果有潘車

寄程培風

不好浮屠不學仙巖巖風骨自飄然文詞既許攀張說意氣何曾讓魯連磨劍十年身未遇飲醇千日興難捐江湖一夕悲歌起多少英雄篋笠邊

寄茂才周旣霑

標清骨秀望巍然繡虎雕龍第一仙交友淡時常握信立心端處每稱賢伊人秋水何多韻入座春

風不可捐上有

聖明當早出丈夫豈久困林泉

又

幾番惜別月明邊遙望長安漫著鞭數句新詩將後約一杯淡酒續前緣投竿洧水常思隱掛席衡門不乞憐但是有才當大展還期挾策共朝

天

贈沈太史恪庭并致祝延之意

李杜文章世號仙推評未許讓先賢艷如織女機中錦光比姮娥月裏蟾名擅龍圖士十八算添鶴

髮壽三千無慙身置

金鑾內執簡垂紳

御案前

贈張內翰

捧日遊天闕披雲挹太行文能汲五代氣欲撼三
光出入乘金馬徘徊坐玉堂承

恩何以報願上九如章

廖大令行素復任青邑

任授神京重澤遺山左深高才還製錦善政再鳴
琴百里春風動一堂秋月臨頌揚賢父母不惜自

長吟

與陳雲亭昆玉

淡若春雲韻比蘭盛名今已滿長安一簾風月情
堪話半壁烟霞秀可餐妙繪從來推趙李新詩又
得起蘇韓宋家兄弟承明日先後飛鳴稱二難

許御史榮遷

循良妙譽起冠裳雨露深承榮倍常昔是青雲攀
桂客今爲白馬繡衣郎魚頭常灑蒲間涕鐵面還
飛簡上霜一片冰心塵不染欲畱報

國姓名香

贈張御史

天上神仙本姓張
文章品格兩無雙
處君方識貂蟬貴
不愧名傾鶴鷺行

又

清白無瑕更有光
高才妙譽振官方
長鳴猶似朝陽鳳
但見隨身一皂囊

得識沈又約茂才

清瘦渾疑是沈郎
神清腰瘦不尋常
清如秋水無容染
瘦比黃花不減狂

贈王狀元

未貴先邀

聖眷長布衣
何獨姓名香
光垂御筆遷高第

玉殿春風敢對揚

又

天謫神仙侍

玉皇朝朝染翰

御爐旁詞臣
莫道非隆遇
曾近金鑾七寶牀

金鑾七寶牀

與武春山話舊

磊落心胸清艷才十年苦學臥徂徠神涵秋水稱
奇矣氣撼春雲何壯哉狂醉不辭投肆去酣歌且
喜抱琴來長安勝友欣相遇刻燭流連句漫裁

與周士貴

安貧樂道古稱難忠孝無虧我事完盜飲甕頭希
畢卓僵眠雪畔並袁安清風入座差堪挹冷月侵
人不耐看莫謂飄零非妙境青松獨傲歲時寒

張選君秉均擢受臺諫

王佐奇才本屬張世遺風度獨悠長蘭臺素著人
文美海岱仍推士節香佇看侍

君多德業豈云報

國只詞章三遷自是居清要又得名傾御史行

徐刺史武山內擢刑曹

錯節盤根素有才承

恩特地選中臺白雲澹蕩心無染丹筆飛騰手自裁

清望不期與日起賢聲忽爾達

天來須知司寇遺風遠衣鉢相繩誠美哉

月夜懷人

淡淡桐邊月悠悠松畔風此宵人悵望千里客情
同

贈楊翰林清峰

卓然楊翰林溫厚足堪欽曾子工夫到晦菴學力
深清風今復古明月古還今絕少知音者千秋一
曲琴

王榮和考授州佐

名香國士更何人才艷堪欣製錦新素志激昂惟
有膽平生慷慨若無身孫登不愧淮王客杜甫曾
爲夔府賓今日英雄還本色用修德業答

君親

王生客考授州佐

賢才竊喜拔其尤文望曾誇造鳳樓世習青緇優
仕學

天開黃閣賞英流聲華應數今摩詰騷雅宜推昔子
猷指日無慚承大任

御屏早把姓名畱

沈行玉考授州佐

萬丈文光射斗牛高縣姓字識英流壯懷磊落渾
如吐素志堅貞自必酬喜也無虛登仕版惜乎有
乏選瀛洲愧余迂拙欣叨契宦海蒼茫幸得儔

與徐令

投合仍無約論交宿有因清風能邁古文學自維
新酒泛三山月花開滿縣春知君行化處仁愛動
黎民

與廖郡丞

風流廖郡丞清徹玉壺冰山水娛居易琴書樂禹
偁功名五馬貴姓字

九天騰試聽甘棠頌悠悠與日增

又

香名欣早飲才藝素相稱有喜簪裾繼無漸廊廟
登鳴琴逢好友濁酒對佳朋予以消愁思天涯聊

自憑

史刑曹出守芒布

出守必循良論材本棟梁清風開皂蓋麗日捧黃
堂琴鶴官衙靜詩書宅第香無慚二千石試聽詠
甘棠

贈魯農部

臺閣含香本俊流垂紳執笏近

宸旒望隆畿甸新農部花滿河陽舊邑侯

送周念莪之任華邑

崇川佐治擅名香又試絃歌到我鄉廉吏自嗟行

色淡琴書寂寞一奚囊

送俞司馬之任雲間

雲間自昔繁華地司馬由來瀟灑官日永風清無
俗筆詩瓢酒盞漫盤桓

魯別駕就任邑宰

良材不愧爲民牧清頌多應遍里閭此日經綸雖
小試他年事業定弘舒酬

恩自古須畱澤報

國於今信有書况值英才欣早遇令人相羨魯良瓊

送友還山

曉來炎暑散不覺入新秋
菡萏飄殘粉鴛鴦尚並
頭無心雲出岫有意水交流
歸去東籬下黃花酒
一甌

殷岳士赴閩試用

聖明天子育賢才不待招賢賢始來
百里琴聲成卧治
十奇詩句是新裁學源江海推優矣
士節冰霜特壯哉閩地得叨父母力
自然夜寢戶常開

與家雲門

麗日深含畫錦堂射開萬丈紫霞光
桂闈已數文才富杏苑應誇名姓香
艷比晉卿還跌宕雄隨魯

直更飛揚須知江夏遺徽遠德望無慙稱我黃

劉別駕龍媒之任雲間

九峰稱善地半刺沐

恩榮霖雨隨車至春風入境生花衙白鶴舞竹閣綠

琴鳴作吏能無俗循良起政聲

立夏

漫逢榮木賦新詩

淵明有榮木詩序當立夏日也

四景初交維夏

時雨後微涼侵草榻林間嫩露潤花枝碧筍酒艷

消長日綠樹陰濃照小池寓邸寂寥閒獨坐薰風

幾度向人吹

寄壽內子

瑞靄自宜來紫極蟠桃已是獻瑤池深閨恰喜添

籌日薄宦恭承

特簡時賓友可欣稱舉案倡隨惟願效齊眉殷勤寄

此新歌曲聊佐南山介壽卮

題畫芍藥奉錢少宗伯蕉山

維揚有異種天下飲香名却是裁雲就不因剪綵

成嬌紅筆底見濃露紙頭生譜出幽閒甚相看無

俗情

題端陽圖

踏青郊外好畱連暖日和風鬪草天眼底忽驚競
渡節一年景色畫圖前

佐守杭州

乍承

天子命佐守出杭州風艷黃羅蓋日光紫綺裘握冰堅
士節揮翰煥

皇猷惟願春常在萬年獻

壽甌

又

聖眷何優渥民情豈易酬指看閒司馬坐治錦杭州風

月堪人賞湖山暢我遊醉翁翁未醉佳興有如歐
又

自得烟霞樂相攜琴鶴遊詩吟蘇子句酒泛白公
甌貪看佳山水幾成閒鷺鷥一回凝眺處明月滿
河洲

病起

我病多情春又逢尋芳攬勝興何濃孤燈客館常
無寐不禁迎窗花吐容

劉國學新婚

畫堂此日雀屏開喜得翩翩美俊才禹錫風流追

萬古孝標意氣撼三台
蘭閨詠絮推佳矣
槐市論文特壯哉
國士無雙君不愧

恩波應自

九天來

與楊隱雷

孝友家傳遠名賢
風獨長安知金玉
貴惟要子孫良爲善
偏能樂論文不厭狂
聲華飛到處無有不
聞香

接陳明經舜被

滿座春風接子昂
詩仙酒聖擅名長
十年妙學文

如錦一塵清談齒亦香
傲骨不磨同阮籍
曠懷無玷並嵇康
已知投合非容易
刻燭流連盡此觴

與嚴州蔣司馬易齋

聞道嚴州蔣郡丞
賢聲政績日爲增
山川到處皆知已
花月拈來盡友朋
飼鶴自怡因性淡
鳴琴而治見才恒
如君不愧邀

殊眷紫綬金章已兩膺

題畫壽友人

翠栢青松挺秀枝
二三鳴雀報佳時
扶藜幾度穿雲去
爲進南山酒一卮

題墨竹

明月夜窗虛綠陰搖滿室清韻自飄然何來此妙筆

看山閣集今體詩卷十四終

看山閣集

今體詩卷十五目錄

訪色空上人

與汪茂才

與沈茂才

和任茂才原韻二首

贈友

壽徐刑部武山

贈袁國學

假寓寺中

移寓有感

題畫六章

漁隱圖

三友圖

躡屐圖

二喬圖

睡仙圖

醉仙圖

關帝廟

南旋道經泰安二首

泰山懷古三首

守閘臨蘭亭帖

金山飲泉

南還舟中有識索畫因題以應

客況

復遊虎丘

家中丞公崑圃畱酌荷亭四首

虎丘即事二首

題慧公山水畫冊二首

題贈自牧師

看山閣集
邀友虎邱縱飲

寫艷二首

瞻文正范墓二首

自况二首

燕歸

客歸遇雨王亦菴別余先行余遂假宿程

園風雨漸止因賦二首

謁刺史嵩山周公祠

壽周郡侯嵩山

春霽

偶成三首

與友

閒居雜興三十首

看山閣集今體詩卷十五目錄終

看山閣集

峰泖黃圖秘容之著

今體詩卷十五

訪色空上人

爲因訪老衲不覺入深山古寺青猿守高臺白鶴
閒浮雲何澹蕩飛練自潺湲安得身無事攜琴常
往還

與汪茂才

越公聲望久而傳澤遠流長啟後賢骨秀標清非
俗客名香才艷是神仙上書蘇轍方英歲對策終

軍尚少年有志不難相接踵一鳴高大自驚天
與沈茂才

高山與流水豈曰少知音宇宙胸襟濶芝蘭意味
深飛觴豪士席把臂善人林不愧余才拙聲揚一
曲琴

和任茂才原韻

欣喜殷勤得下交雄談入座一枝巢風流標格追
張說灝瀚詞源起孟郊花圃試聞笙疊奏旗亭潛
聽板重敲君才豈曰惟如此回顧蒼生志尚包

又

蘭芬乍挹是神交片語傾時開塞茅長嘯已然多
灑脫微吟絕不費推敲萬言磊落毫端吐千頃汪
洋腹內包自恨相逢何太晚擬求新詠造書巢

贈友

鳴起岐山鳳飛騰滄溟鵬名香君子號德播善人
稱既得鴻才展偏宜清要登

天顏應有喜旦晚幸親承

壽徐刑部武山

南極星辰拱照臨壽杯光拂上華簪蕭疎自具神
仙骨空洞惟函君子心道透廣成塵莫染趣同曼

倩俗難侵晴明卻是添籌日會見東來紫氣深

贈袁國學

秋月春雲迥不同何如居處澹然中立心自守仁
人節入室惟聞君子風流水奏殘飛雪白酒尊引
滿醉花紅慕名許久無相識走馬長安接士雄

假寓寺中

殿角森沈不染塵容分一榻與閒人醉中顛處誰
相識金粟如來是後身

移寓有感

古剎林深擁白雲日高花影正繽紛此身已逐浮

萍轉夜半鐘聲何處聞

題畫六章

漁隱圖

綠陰深處晚涼生漁父溪頭舟正橫一笛翻成雲
水調無心畫裏得新聲

三友圖

松竹梅花淡寫生歲寒風景喜晴明人間儘有同
胞誼不及翩翩三弟兄

躡屐圖

花滿闌干月滿樓幾多佳興一齊收扶藜躡屐非

無意好向東山絕頂遊

二喬圖

二美丰姿不等閒
淡粧流韻在眉山
春深銅雀空餘恨
遺跡如何落此間

睡仙圖

投入烟霞是兄弟
假來天地爲衾裯
君若欲眠須盡醉
翻身飛向白雲頭

醉仙圖

仙家亦喜杯中物
以此爲生莫笑伶
我醉須知仍不醉
衆人皆醉幾時醒

關帝廟

果是有山必建廟
須知無處不圖儀
騰騰義氣凌千古
烈烈英風撼四時
一卷春秋常在握
半肩日月自相持
直追孔子同稱聖
疊見

恩綸降紫泥

南旋道經泰安

玉馬金鞍曉日遲
南旋恰值小春時
禽聲聒耳花迎面
一入山來情自怡

又

林間嗚咽泉聲冷
雲外飛騰石勢奇
林密雲間無

盡境眼前圖畫口頭詩

泰山懷古

瞻岱情何已入林興莫捐白雲生我足紅日壓人
肩石表碑無字神房山有仙愧余行未滿徒自戀
塵緣

又

蒼翠山如畫清幽日似年青猿古洞守白鶴老松
眠徑斷雲吞岱聲寒石激泉不知塵世上別是有
壺天

又

石激泉聲碎山高日影縣封松秦有政探策漢知
年慕古安能已攀林亦偶然烟雲徒滿目何處覩
青天

守閘臨蘭亭帖

清江朝守閘隨意寫蘭亭遲日船窗暖和風水檻
寧精神立地爽筆墨自然馨松雪風流在重題入
眼青

金山飲泉

直向畱雲處山明與水靈自慙非陸羽此地試中
冷

南還舟中有識索畫因題以應

船窗晴暖正南還
司馬由來官獨閒
好向烟霞尋趣味
漫研淡墨寫秋山

客况

桃花紅點點
草色綠萋萋
歸去還歸去
子規學我啼

復遊虎丘

山林有約已三年
今日重來喜欲顛
無盡白雲舒復卷
依然明月缺還圓
笙歌譜出春光艷
花柳裝成境界仙
我本情癡遊不倦
或吟或醉續前緣

家中丞崑圃畱酌荷亭

荷池竹院絕塵氛
紅袖躡躑映綠雲
一榻竹陰清可愛
半簾荷氣淡堪聞

又

長嘯方能容灑脫
清尊始得漸殷勤
此身今日知吾有
葵扇荷裳話夕曛

又

江夏聲名自古聞
文疆忠孝不同羣
未安五載思親切
曉日吳山望白雲

又

看山隱集
六
誼關一本芝蘭列教出三千桃李羣阿買自慚不
識字未能落紙化烟雲

虎邱即事

虎阜由來名勝地投林攀跡亦何辭論今氣壯非
因傲弔古情深未免癡試劍空餘俠士夢看山聊
對美人眉低迴欲把塵襟滌莫放溶溶酒滿卮

又

一杯劇飲一篇詩意氣相傾醉後時上下花禽藏
石礧參差樓閣起林陂夜深客散歌聲寂雲淡天
空月影移問道斧柯已爛矣還須及早賦歸兮

題慧公山水畫冊

水墨淋漓欲潑天着於紙上盡雲烟西風吹雪來
深谷不覺飛花墮講筵

又

筆欲通神身欲仙有無色相見當前林兮蒼翠山
兮秀幻出靈通一點禪

題贈自牧師

仰蘇樓畔獨幽深雲滿雙扉月滿林山水一房春
復夏圖書半榻古還今品泉自得高人致說法常
窺老衲心笑我癡顛緣未覺日惟狂醉更長吟

邀友虎邱縱飲

永夜攜尊坐茂林良交最喜得知心
名山處處遊難倦秋水依依情自深
殘月一牀畱客夢寒蟲四壁和人吟
不教醕酤無辭去明日還來抱素琴

寫艷

行春來古剎拾翠入禪房
巫女情相見秦姬妙不
藏輕裝偏稱麗細語欲生香
花草吳宮茂而今猶未央

又

阿母梳雲髻小鬟燒夜香
笑時花減色行近月無

光芳草埋羅襪薔薇抓綉裳
風流不可及彷彿漢

王嬙

瞻文正范墓

文正墳何處林巖杳莫知
片雲來指引一鶴自相
隨地實因人勝人方與地
宜但看松共栢不改歲
寒姿

又

一天縣烈日萬笏起名時
水出含珠態山呈韞玉
姿但容雲自度不放鳥相
窺有道當相慶無辭我
賦詩

自況

方期瞻魯岱忽又別吳興不患無兄弟堪欣有友
朋春風彈古調秋雨話寒燈幸遇知心者離愁聊
免增

又

江湖自浩渺鷗鷺失依憑客思雲山遠人閒歲月
增壯心慙貢禹素志愧王曾虛抱終無補憂疑忘
寢興

燕歸

一畝垂陰信手栽風飄落葉走荒苔門前流水依
然在屋角梅花冷淡開峰谷無心雲自去林泉有
意鳥還來于今肯說閒中樂詩滿奚囊酒滿盃

客歸遇雨王亦菴別余先行余遂假宿程

園風雨漸止因賦

風雨無情驅好友山林有意託閒心挑燈獨坐南
軒下笑對梅花冷淡吟

又

須臾雨過風聲寂明月還來照滿林喜得壺中沽
有酒一尊聊以滌塵襟

謁刺史嵩山周公祠

看山閣集 九
爲憶賢公祖重瞻廟貌光成神惟正直治郡本循
良大績遺江漢雄才仍棟梁濂溪今有後千載飲
名香

壽周郡侯嵩山

吾郡欣逢太守良曰清曰慎不尋常自隨琴鶴風
流望滿貯詩文錦繡囊北斗泰山人共仰西池南
極日初長黃花爛熳秋光好正值華堂獻壽觴

春霽

西園風景雨初晴喜得林泉爽氣清繞樹鶯簧何
啞啞穿簾燕剪自盈盈花開曲徑飄紅蕊苔傍寒

窗長綠英筍蕨方肥堪作供不須遙羨五侯鯖

偶成

大節無相背男兒亦快然事親須力盡報國可身
捐好學能忘倦成名惟在顛正誠當死守仰不愧
於天

又

守拙偏能樂隱居且退恬不爲好酒困何害立身
廉入骨風霜冷磨人世事炎杜門甘飲水榮落莫
相占

又

最樂無知道空清月滿簾治家惟在忍處世只宜
謙腸熱心偏淡儒酸志頗恬身居廉讓裏一任有
涼炎

與友

自喜壺中有酒斟何須更欲羨華簪人皆拒我休
因窘囊得新詩勝似金

閒居雜興

我愛村居好身歸恬澹中漁樵相對語頗得古人
風

又

我愛村居好拂衣且學農斯中滋味久由此漫從
容

又

我愛村居好柴扉與紙窗攤書人夜坐挑盡一銀
缸

又

我愛村居好村居春頗宜桃花千片片楊柳一絲
絲

又

我愛村居好攜琴入翠微自歌還自飲不醉亦無

歸

又

我愛村居好臨流可釣魚
泉深魚自美何味更相
如

又

我愛村居好衡門剝啄無徑開
還幾曲不去本來
迂

又

我愛村居好背山還面溪
客來訪不得一片白雲
迷

又

我愛村居好今年降福皆大家
團坐處兩兩笑聲
諧

又

我愛村居好涼生半畝槐
籬隨流水斷門向大荒
開

又

我愛村居好秋收有幾分
一番農事畢把酒愈殷
勤

又

我愛村居好容安只一軒纔看蘭結子又報竹生孫

又

我愛村居好連宵月更難俯觀還仰望深夜立清灘

又

我愛村居好青桐翠竹間寸窗無俗韻惟放白雲還

又

我愛村居好幽閒半是仙漫投陰綠裏清晝枕書

眠

又

我愛村居好有亭更有橋日長多樂境水釣與山樵

又

我愛村居好攜家入北郊鷓鴣無遠志頗得一枝巢

又

我愛村居好凝寒有緼袍但存廉共潔方識是兒曹

又

我愛村居好舉盃還放歌悲來歡易盡不飲待如何

又

我愛村居好柴桑處士家夜深人倦讀鋤月種梅花

又

我愛村居好霜螿與羽觴人愁愁不了羨煞蟹無腸

又

我愛村居好休悲道不行孰知清有福高枕享昇平

又

我愛村居好攜琴入翠屏一彈還再鼓流水落雲冥

又

我愛村居好閒情何獨恒風敲竹弄戶疑是月邊僧

又

我愛村居好終須罪遠遊白雲相望處惹起百端

愁

又

我愛村居好朔風已滿林秋殘冬又至人事幾寒
心

又

我愛村居好詩成酒半酣朝來有豐兆瑞雪滿江
南

又

我愛村居好墻邊野菜新烹來淡有味豈曰不如
蕁

又

我愛村居好甘寒無履炎家常餐有菊澹泊不求
鹽

又

我愛村居好一年詩一函高堂須獻歲快補舊青
衫

看山閣集今體詩卷十五終

看山閣集

今體詩卷十六目錄

題畫

漁唱夕陽

層崖瀑布

烟雲自怡

秋山楓樹

林泉高卧

家中丞公崑圃督修海塘

山遊醉筆

看山隱集
白蓮

題畫芙蓉

題畫壽金郡丞六乾

題畫禽魚花藤賀華亭周邑侯念莪復任

鄉歸

友人山居建臺招余遊覽因賦

詠畫屏插供芙蓉

閨情三十首

送劉國學回里

薄暮泊舟江口

玩月

題畫繡毬

贈郭司馬恬菴二首

詠松二首

高提憲之任

壽楊閣學楷人

贈堯衢許行人

題機山高士居

遊小赤壁

題永嘉邑署之春雨軒

贈李承先

白燕二首

觀察吳公命題西湖泛舟行樂圖四首

除夕

元旦

靜中天

政餘偶興四首

勸民歌八章

看山閣集今體詩卷十六目錄終

看山閣集

峰泖黃圖秘容之著

今體詩卷十六

題畫

漁唱夕陽

長隄垂柳綠成烟流水溪橋斷更連漁笛數聲殘
照裏一行歸雁寫秋天

層崖瀑布

林木匆忙雨更風層崖深處板橋通靜觀瀑布飛
千尺盡入王維詩句中

烟雲自怡

萬壑千巖擁翠微
攜琴對酒共忘機
筆花墨瀋蒼茫處
化作烟雲一片飛

秋山楓樹

雲影沈沈罨不流
山容淡淡已臨秋
朝來雨過丹楓下
疑是花源欲放舟

林泉高卧

一徑烟霞仙可通
半林邱壑卧遊中
畫圖自是無寒暑
不與人間甲子同

家中丞公崑圃督修海塘

凜霜抱赤舊天官
禹績重攀才氣寬
霄漢

恩深依日月
詩書世美振衣冠
寰中雅望推王粲
天
下蒼生屬謝安
廉介已經

明主察

丹書旦晚下林端

山遊醉筆

逢山叙飲必呼盧
應數高陽舊酒徒
此日興酣遺勝事
醉來信筆亂鴉塗

白蓮

恍忽瑤池洛浦邊
風清月曉遇神仙
珠胎自是生

成滑玉骨偏饒分外妍有意相邀茂叔賦無心早
悟遠公禪可知此物非凡類未許繁華易淡緣

題畫芙蓉

日落寒潭弄色烟凝深院含愁何處攜來脂粉無
心賺出風流

題畫壽金郡丞六乾

畫中無俗境紙上有清音雨過山含秀風來樹欲
吟漫將松比節底是水如心却妬閒司馬從容意
獨深

題畫禽魚花藤賀華亭周邑侯念莪復任

百丈花藤依日栽紫雲千疊擁蒼苔河陽春暖風
光好魚戲清波鳥自來

鄉歸

野塘曲曲水潺潺鵲噪空林雲沒山一葉扁舟來
遠浦儼然身在畫圖間

友人山居建臺招余遊覽因賦

春水滌洄雲卷舒臺高百尺半凌虛徜徉于此堪
終老釣水耕雲樂自如

詠畫屏插供芙蓉

粧成臨水時相泣舞罷迎人劇可憐豈是寫生能

到此鮮花活卉見當前

閨情

挑燈猶自話因緣
暗雨淒風腸斷天
欲向君平問消息
幾番隨意卜金錢

又

裝成金屋一斑闌
自小深藏未出關
不識蜀山多險惡
笑郎行路獨嗟難

又

不了心頭愁滿腔
日來冷落坐西窗
短箋送得春回去
蝴蝶飛飛又一雙

又

點衣柳絮抓衣花
何日人歸南北衙
追憶一番心似掉
最癡仍是女兒家

又

綵袖溶溶淚未乾
懶描眉黛倦憑欄
妾心自是難相掉
一種離情梅子酸

又

屈指分離已二秋
咸陽應敵黑貂裘
蘓家兄嫂多炎冷
不第休思回故邱

又

金鞍白馬玉鞭持花柳街頭去不遲寧惜故園人
慘澹淚珠和入雨絲絲

又

妾似紅桃郎似水桃花空落水流東萍踪流水知
無定惟有紅桃淚倚風

又

對鏡空憐舊日姿脂消粉墮泣芳時近來頻覺寬
裙帶腰比垂楊瘦一枝

又

別時三徑草青青折柳尊前送遠程今日得郎歸

故里柳枝轉綠草重生

又

未得郎歸恨轉生陌頭楊柳又青青不妨獨坐愁
城裏鸚鵡前頭作巧聲

又

三春已過信茫然漢水秦山各一天千里鄉關鴻
不到更何人得寄衣棉

又

月明永夜浸花枝好倩清光寄我思千里河山情
一種阿誰私語阿誰知

又

今日回來又已遲
桃花不是舊芳姿
可憐無限傷心事
話到其間只自知

又

春深庭院花空落
醉倒花街人未還
若得玉郎重握手
只愁無復舊時顏

又

梅聳新條草轉長
目前景物已淒涼
三更燈火黃昏月
一縷清風鎖畫房

又

天空雲靜月黃昏
深鎖梨花小院門
此夜此情當此景
待將心事訴誰人

又

羅衣新試懶添香
水閣無塵晚氣涼
斜倚欄杆風露淺
銀塘幾處宿鴛鴦

又

獨坐無聊夏日長
晶簾風透芰荷香
幾回偷灑相思淚
解語花開不見郎

又

壁燈明滅意難酬
人坐芭蕉夜半秋
倦倚薰籠閒

聽雨一敲一滴一聲愁

又

鴻雁杳然音信稀
溪頭流水自依依
望夫石上朝朝望
不見封侯夫婿歸

又

西風何獨最無情
吹夢悠悠何處尋
燈燼羅幃良夜永
穿簾月色浸寒衾

又

回思往事費沉吟
郎挽春纖踏月陰
重向雙星期永好
曾拈裙帶結同心

又

風動長沙孤鴈鳴
低回猶是妾飄零
世人莫道黃連苦
妾比黃連苦更盈

又

草閣寒燈滅更明
倦拋針繡不勝情
怕聞最是簷前馬
愁處叮咛無絕聲

又

回憶當時淺淡粧
相憐相愛莫相忘
欲期世世爲夫婦
七夕曾盟一炷香

又

悲歌數語欲郎知
小閣無人意自持
常歎迴文織
不盡一心百結恨如絲

又

自寫春容寄遠遊
輕脂淡粉淚交流
要知近日奴
顏色喚出真真一樣愁

又

夜深細語倚闌干
月浸梨花風露寒
聚首不堪聞
暫別離情空惹淚團團

又

雨絲風片空成怨
草長花開總是情
今日方知拙

勝巧安能撞破此愁城

送劉國學回里

憶昔曾瞻岱相思已十年
清風何淡淡明月自娟娟
握手歡無已言懷興莫捐
不聞林外鳥聲亂別離邊

薄暮泊舟江口

江流應有韻漁笛本無腔
率意情如我沙間雁幾雙

玩月

頗得劉伶趣千杯興可投
欲賒洞庭月醉殺一江

秋

題畫繡球

一枝花正發疑是玉爲成片月閒窺相碎雲淡寫
生香從筆底起春向紙頭迎觸處能無俗旋看別
有情

贈郭司馬恬菴

詩句新裁艷似花堪驚筆下走龍蛇官閒三載身
同鶴獨枕瑤琴卧碧霞

又

胸中丘壑更無加能寫丹青一代誇應是前生推

畫史鄭虔三絕噪京華

詠松

百丈喬松倚碧霄條陰蓋影自蕭蕭清風仰止秦
封古細雨追思丁夢遙惟處寒光常冷淡不隨春
色易飄消青青獨聳無同調常得幽人伴寂寥

又

抱雲握月滌塵囂千尺藤蘿攀爾曹帶雪喜看顏
色在乘風驚聽嘯聲高屈盤鬱鬱龍深見蒼翠森
森鶴自遭綠葉扶疎三逕滿徘徊猶得撫如陶

高提臺之任

建牙大旆下蓬蒿

王殿曾誇

賜錦袍

彩詔輝煌昭日月紫雲飄拂動旌旄笑談武事揮棋局樂志文壇秃兔毫霜雪盈頭功業遂

恩邀麟閣著雄豪

壽楊閣學楷人

傳家清白起冠裳陪侍青宮依日光譽重關西稱夫子才傾冀北佐

君王嶺梅已占先春露籬菊偏畱晚節香五福由來壽

爲最南山深處獻霞觴

贈堯衢許行人

劉郎旗幟蔽長空遙望江南意氣雄學富五車稱博士名高八斗號才翁西堂得句梅花畔北海開尊秋月中教子已成民父母但畱廉愛繼君風

題機山高士居

平原村畔好若箇是高人桃雨翻紅浪山雲捲翠筠且吟得意句還醉自然春花鳥時爲伴偏能遠俗塵

遊小赤壁

赤壁遊爲樂褊衫罩短策難逢秋月滿重載酒人
過籠鳥聲疑語盆花嬌若羅坡仙今日在對此却
如何

題永嘉邑署之春雨軒

司馬官閒清且高代庖邑事豈辭勞栽培桃李春
如錦潤色山林雨似膏正欲微吟欣有雪

既東和
暖少雪

偶思小飲恨無螯

地不
產蟹

政餘自得其中樂敢號詩

豪又酒豪

贈李承先

文章高白雪品藻貴黃金倜儻真奇士幽遐見素

心烟霞生片壑蘭蕙出中林失齒謝公屐無絃陶
令琴漢書時快讀晉帖每閒臨好學常求古多情
不薄今豪雄太白飲寂寞少陵吟囊橐乾坤大園
林風月深旣多清韻襲何有俗塵侵仙骨天生就
英才世莫尋

白燕

何處攜來雙剪長巧裁雲片作衣裳舞餘月下寒
無影語碎風前冷有香悄入梨花藏院落狂隨柳
絮點池塘最憐寂寞誰爲伴抱壁懷珠徒自傷

又

落月依稀滿屋梁知其踪跡自深藏浣衣水上畱
雲影笑語風前帶雪香鬢貼玉鈿憐少寡春生粉
黛妬新粧獨能安素無他欲爲慮繁華夢不長

觀察吳公命題西湖泛舟行樂圖

公餘隨意問林泉深入花溪柳浪邊滿載無非書
與畫路人錯喚米家船

又

兩隄風月正無邊一棹烟霞忘却還不是當年蘇
與白何人相繼結閒緣

又

從來名勝藉名賢地實因人始得傳莫謂此遊亦
偶爾春風吹處草芊芊

又

把弄綸竿坐釣船一湖如鏡兩峰連不才若得追
陪侍請解金貂索醉還

除夕

十有三春一夢邊松蒼梅古喜依然幾經寒暑松
偏茂歷盡冰霜梅獨妍且試辛盤辭故歲漫斟栢
酒賀新年癡欲賣無人買痛飲狂歌待曉天

元旦

春乍相逢歲已終送迎俱在一宵中寒辭草閣時
方易暖入湘簾境不同山色凝紅含曉日竹陰分
翠弄朝風漫將甲子從頭數又怕炎涼攻到儂

靜中天

冷暖隨時易性情與世殊須求真樂境莫用假工
夫活水源頭有俗塵天外無空清一片影落月在
冰壺

政餘偶興

暑冷庭閒愛日長薰風幾處動新涼政餘草閣看
山色衙退池塘夢草香把酒自嫌金帶重彈琴惟

看白雲忙徒懷未見無由展十載深慙錐處囊

又

崔嵬高嶺接天閩萬疊烟霞去路茫八閩咽喉誠
要地三衢門戶最巖疆握冰且喜塵無染對酒猶
憐形亦忘滿目瞻依皆錦繡乾坤包括一詩囊

又

鉛刀柔本未如剛喜得官閒拙可藏境靜頗堪願
我性天空能不厭人狂風含琴韻山皆響竹弄歌
聲月自涼十載素餐以吏隱栽桃植李已成章

又

山水情懷日益長其人其地頗相當柴桑萬井風
猶古橙橘千村景亦蒼下賴賢侯施化雨上攀良
守詠甘棠徒勞佐治依民切老婦低頭作嫁裳

勸民歌

食毛踐土自何來盡是

天邊雨露栽力穡酬

恩黎庶願文章報

國士人懷

聖君治世先施德

英主當陽正育才此日明良歌頓起南山共獻萬年杯

又

百行從來孝最先冬溫夏清好周旋因憐膝下啼
黃口轉惜堂前垂白年欲博親歡愁未得每思子
職恐難全如何能把劬勞報須抱忠誠事

九天

又

芝蘭玉樹本同榮敬愛無虧好弟兄荀氏八龍稱
偉器薛家三鳳占芳名同居應效姜肱被合志還
看田氏荆遺訓有如我叔度子孫千葉顯簪纓

又

百幹千枝一本生
花開花落共枯榮
自然痛癢應相顧
那忍興衰不動情
富貴莫教輕族誼
單寒未可失宗盟
義田舊德流芳遠
文正垂風久愈清

又

知心好友勝奇珍
割席分金見古人
莫道良朋非雁序
須思異姓亦天倫
交無深淺難忘信
時有榮枯不棄貧
耐久方成君子契
芝蘭意味自相親

又

恤隣推食古稱難
淳厚須教依樣看
驕傲豈能與世合
謙恭最是得人歡
偶然富貴情寧改
即使貧

寒心自安久後定
邀鄉曲重永畱賢
譽臭如蘭

又

須知爲善樂纔真
禍自消除福自申
太上立功還立德
于公施義更施仁
從來周急無言富
信是扶危不在貧
勸爾廣行陰隲好
錦衣玉食盡前因

又

周朝開國本田功

聖主殊恩到老農
樂土須教勤稼穡
豐年是和慶崇墉
十千有備皆民力
八口無饑號素封
收把一犁南畝去
桑麻處處頌時雍

看山閣集今體詩卷十六終

